



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM**

Komisija za promet i komunikacije

Broj:01/6- 011-694/02

Sarajevo,17.07.2002.god.

ZAPISNIK

sa 7. sjednice Komisije za promet i komunikacije
Predstavničkog doma održane 17.jula .2002.god.

Sjednica je održana u zgradi institucija Bosne i Hercegovine, Trg BiH br.1. sa početkom u 10,00 časova.

Sjednici su prisustvovali članovi: Ivo Lozančić, Dragi Stanimirović, Miloš Jovanović, Damir Mašić, Abdurahman Malkić, Halil Mehić.

Sjednici nisu bili prisustni članovi: Miro Grabovac, Titan, Željko Mirjanić i Mustafa Cuplov. Sjednici je u svojstvu predlagača zakona prisustvovali predstavnici Vijeća ministara BiH-dr Azra Hadžiahmetović-Ministar vanjske trgovine i ekonomskih odnosa i Sena Hatibović-pomoćnik ministra, Drago Radović-Odjel za civilno vazduhoplovstvo BHDC, Nikola Šego-Ministarstvo civilnih poslova i komunikacija.

Sjednicom je predsjedavao Ivi Lozančić, predsjedavajući Komisije za promet i komunikacije. Za sjednicu je predložen sljedeći

DNEVNI RED:

1. Verifikacija zapisnika sa 6.sjednice Komisije za promet i komunikacije;
2. Razmatranje Prijedloga zakona o izmjenama i dopunama Zakona o vazduhoplovstvu Bosne i Hercegovine (predlagač Vijeće ministara BiH) ;
3. Razmatranje :
 - Prijedloga zakona o međudržavnim i međuentitetskim komunikacijama,
 - Prijedloga zakona o ugovorima o prevozu u cestovnom transportu,
 - Prijedloga zakona o državnim putevima BiH,
 - Prijedloga zakona o osnovama bezbjednosti saobraćaja na cestama u BiH,
 - Prijedloga zakona o unutrašnjoj i pomorskoj plovidbi
 - Prijedloga zakona o pošti.

(predlagači poslanici : A.Malkić, M.Begović, S.Buturović)

Članovi Komisije su jednoglasno usvojili predloženi dnevni red.

Ad.1.

Obzirom da na dostavljeni zapisnik sa 6. sjednice Komisije nije bilo primjedbi isti je jednoglasno usvojen.

Ad.2.

Predsjedavajući je ukratko informisao o značaju predloženog Zakona o vazduhoplovstvu BiH i potrebu za hitnim usvajanjem istog.

Dr Azra Hadžiahmetović ispred predlagača zakona je takođe , istakla značaj i potrebu za hitnošću donošenja ovog zakona , te ukratko informisala o promjenama koje se tretiraju predmetnim prijedlogom zakona. Istakla je da je suština promjena vezana za izbor menadžmenta u civilnoj avijaciji na državnom nivou , gdje bi se na čelu nalazio generalni direktor sa dva zamjenika , te da su sve druge aktivnosti u civilnoj avijaciji vezane za prihvatanje izmjena predviđenih prijedlogom Zakona.

U raspravi su potom učestvovali Ivo Lozančić , Damir Mašić i Miloš Jovanović. S obzirom na značaj pomenutog zakona , ukazano je na potrebu njegovog usvajanja , te na problem proceduralne prirode vezane za postupak hitnog razmatranja i usvajanja zakona s obzirom da je Predstavnički dom već odbio zahtjev Vijeća ministara BiH za postupanje po čl.105 Poslovnika. Stoga su Ivo Lozančić i Damir Mašić predložili zaključak da se zakon ,čije je razmatranje u prvom čitanju predviđeno za sjednicu Doma koja se treba održati 16.07.2002. godine ,usvoji te razmatra odmah u drugom čitanju ukoliko bude usvojen u prvom čitanju.

Predloženi zaključak da se predmetni zakon prihvati i uputi u dalju parlamentarnu proceduru ,te da se predloži njegovo razmatranje I usvajanje u 2 . čitanju odmah na sjednici Predstavničkog doma 16.07.2002. godine je usvojen sa 4 glasa Za i 1 Uzdržanim glasom Miloša Jovanovića.

Ad.3.

Predsjedavajući je ukratko informisao o dosadašnjim aktivnostima Komisije o predloženom setu od 6 zakona iz oblasti prometa i komunikacija predlagača poslanika Abdurahmana Malkića, Muhameda Begovića i Seada Buturovića.

Abdurahman Malkić u svojstvu predlagača predmetnih zakona je istakao potrebu donošenja istih na državnom nivou smatrajući da postoji ustavno-pravni osnov za njihovo donošenje i pored postojanja negativnog mišljenja Ustavno-pravne komisije koje je doneseno od strane članova ove Komisije preglasavanjem. Stoga predlaže da se set zakona uputi u dalju parlamentarnu proceduru sa preporukom za usvajanje.

Nikola Šego iz Ministarstva civilnih poslova i komunikacija je ukratko informisao o stadiju izrade i razmatranja pojedinih zakona pri Vijeću ministara BiH.

Miloš Jovanović je istakao da je Komisija ranije usvojila zaključak kojim su predlagači bili u obavezi kontaktirati sa resornim ministarstvom Vijeća ministara BiH kako bi se eventualno navedeni prijedlozi usaglasili sa njima. Takođe je istakao, da su pojedina ovlaštenja u nekim od zakona prenesena sa entiteta isključivo na nivo države BiH.

Ivo Lozančić je istakao da je Abdurahman Malkić kao predlagač seta zakona osporio navedeni zaključak , tako da je Komisija u poslovničkoj obavezi razmatrati iste ,te predložio upućivanje u dalju parlamentarnu proceduru u i usvajanje istih na Predstavničkom domu.

Sa 5 glasova Za i 1 glasom Protiv usvojen je zaključak da se navedeni set od 6 zakona uputi u dalju parlamentarnu proceduru i usvoji od strane Predstavničkog doma.

Sjednica je okončana u 11,00 časova.

STRUČNI SARADNIK U
RADNIM KOMISIJAMA:
Dragica Hinić

PREDSJEDAVAJUĆI
KOMISIJE :
Ivo Lozančić

